

Llyfryn Arweiniad **Gorfodi Parcio Sifil**



PARCIWCH
YN **G**ILL

**Oes arwydd? Oes llinellau?
OSGOWCH Y GOSB**



Y Newidiadau

O Ebrill 8 2019 bydd Cyngor Bwrdeistref Sirol Caerffili yn gweithredu trefn orfodi newydd dan gynllun Gorfodi Parcio Sifil (GPS).

Gwent yw'r unig ardal heddlu yng Nghymru ar hyn o bryd i barhau i orfodi parcio, a bydd trosglwyddo pwerau i'r cyngor yn dod â Chaerffili a phob awdurdod lleol arall yng Ngwent yn unol â gweddill y wlad. I ddechrau, byddwn yn cyflogi 10 swyddog wrth i ni gyflwyno'r cynllun ar draws yr ardal, ond gallai hyn newid yn y dyfodol.

Bydd y cyfrifoldeb am orfodi traffig a pharcio yn aros gyda Heddlu Gwent tan y dyddiad newid.

Bydd cyfyngiadau parcio yn aros yr un fath, ond bydd Swyddogion Gorfodi Sifil (SGS) a gyflogir gan y cyngor yn gorfodi pob maes parcio oddi ar y stryd a reolir gan y cyngor, cynlluniau parcio preswylwyr, llinellau melyn dwbl a chyfyngiadau parcio eraill.

Os canfyddir bod cerbyd wedi'i barcio'n groes i'r cyfyngiadau parcio, gall y Swyddogion Gorfodi Sifil gyhoeddi Hysbysiad Tâl Cosb (HTC).

Y Buddion

Bydd y mesurau newydd yn caniatáu i'r cyngor ganolbwyntio ar fuddiannau trigolion, busnesau lleol a gweithredwyr cludiant trwy dargedu parcio preswyl a chanol y dref a chamddefnyddio mathau penodol o barcio megis manau parcio i'r anabl, baeau aros cyfyngedig, baeau llwytho, baeau parcio i drigolion, aros fannau bysiau, llinellau igam ogam a llinellau melyn dwbl.

Yr HTC

Gall SGS sy'n arsylwi ar barcio cerbyd yn cael ei barcio'n groes i'r cyfyngiadau parcio, roi Hysbysiad Tâl Cosb. Mae cyfnodau arsylwi penodol ar gyfer gwahanol fathau o dramgwyddau a gall yr SGS siarad â modurwr, os ydynt yn y car, cyn rhoi'r HTC. Nid oes gan y SGS y disgrisiwn i ganslo HTC ar ôl eu cyhoeddi na ystyried unrhyw amgylchiadau lliniarol, rhaid ystyried y rhain drwy'r broses apelio.

Yn groes i'r gred boblogaidd, nid oes cwotâu neu dargedau wedi'u gosod ymlaen llaw ar gyfer nifer y HTC a roddir ac nid yw gwneud arian yn un o amcanion y cynllun hwn. Fodd bynnag, mae'r cydymffurfriad mwyaf yn bwysig er mwyn cyflawni buddion llawn trefn o'r fath. Mae deddfwriaeth yn pennu y bydd unrhyw arian dros ben a grêir drwy'r Gorfodi Parcio Sifil yn cael ei ail-fuddsoddi yn y rhwydwaith priffyrdd a chludiant.

Bydd y HTC yn nodi manylion y cerbyd a'r tramgwydd a ddigwyddodd, ynghyd â lefel y tâl cosb a dalwyd.

Mae dwy lefel o Dâl Cosb (a bennwyd gan Lywodraeth Cymru) yn dibynnu ar ddifrifoldeb y tramgwydd. Y tâl fydd £70 am y tramgwyddau mwyaf difrifol a £50 am dramgwyddau llai.

Os telir yr Hysbysiad Tâl Cosb o fewn 14 diwrnod, bydd y tâl yn cael ei ostwng i £35 am y tramgwyddau mwyaf difrifol a £25 am dramgwyddau llai.

Os na dderbynnir taliad neu os cyflwynir sylwadau o fewn 56 diwrnod, gall y cyngor gyhoeddi Tystysgrif Arwystlon a bydd y taliadau'n cynyddu i £105 ar gyfer y tramgwyddau mwyaf difrifol a £75 am dramgwyddau llai. Gall hyn fod yn gynnydd pellach os bydd yn rhaid i'r cyngor dalu'r ddyled trwy ddefnyddio beili.



Gall HTC ei dalu drwy:

Ei bostio gan ddefnyddio amlen ragdaledig a roddir gyda'r HTC

Neu dros y ffôn 0333 3200 867
(cerdyn credyd/debyd)

Dros y We ar www.swpg.co.uk/?lang=cy-GB
(cerdyn credyd/debyd)

Yr Apeliad

Os yw modurwr yn credu bod achos i'w ystyried mae ganddynt gyfle i apelio yn ysgrifenedig.

Gallwch ysgrifennu atom o fewn 28 diwrnod i ddyddiad y Rhybudd i gyflwyno apêl. Os cyflwynir apêl o fewn 14 diwrnod cyntaf y cyfnod hwn, bydd lefel y Tâl yn aros ar y gyfradd is wrth aros am ganlyniad yr apêl.

Ar ôl 28 diwrnod, os na dderbynnir taliad, bydd perchennog y cerbyd yn cael Hysbysiad i Berchennog (HiB). Gall apêl ffurfiol gael ei gyflwyno o fewn 28 diwrnod i fater yr HiB.

Os caiff yr apêl ei gwrthod, mae gan y derbynnydd (perchennog/ceidwad y cerbyd) yr opsiwn pellach i gyflwyno apêl i ddyfarnwr annibynnol. Bydd manylion am hyn yn cael eu cyfleu ar adeg y newid (a byddant ar gael ar yr Hysbysiad Tâl Cosb ei hun ac ar wefan CBSC).

Y Cyngor















Mae'r mwyafrif o fodurwyr yn gyrru ac yn parcio'n gyfrifol a byddant yn mwynhau manteision Gorfodi Parcio Sifil. Er mwyn sicrhau eich bod yn parcio'n gyfreithiol ac yn ddiogel:

- Dylech bob amser wirio'r llinellau ar y ffordd ac unrhyw arwyddion.
- Parciwch o fewn marciau bae bob amser os ydynt yn cael eu darparu.
- Gwnewch yn siŵr nad yw unrhyw un o'ch olwynion ar linellau melyn.
- Dilynwch y rheoliadau mewn meysydd parcio.
(wedi'i harddangos ar arwyddion a byrddau tariffau)
- Peidiwch â blocio cyrbau isel.
- Peidiwch â pharcio mwy na 50 centimetr i ffwrdd o'r cwrbyn
- Peidiwch â pharcio ar lwybr troed/palmant.
- Peidiwch â pharcio ar groesfannau i gerddwyr, igam-ogam gwyn neu farciau 'Ysgol Cadwch yn Glir'.
- Peidiwch â pharcio mewn man parcio preswylwyr heb drwydded ddilys.
- Peidiwch â pharcio mewn bae neilltuedig e.e. bae i'r anabl oni bai bod hawl.



Mae'r rhain yn cynnwys

I barcio'n gywir bydd angen i chi wirio am arwyddion, llinellau a hysbysiadau eraill yn agos at ble rydych chi'n parcio, bydd y rhain yn dweud wrthyhych am unrhyw gyfyngiadau ar barcio. Bydd Rheolau'r Ffordd Fawr yn helpu i esbonio ystyr yr arwyddion a'r llinellau. Dyma rai enghreifftiau:

<p>Dim aros yn ystod yr amseroedd a ddangosir ar yr arwydd</p>  	<p>Mae aros yn gyfyngedig i'r amser a'r hyd a ddangosir</p>  	<p>Bae llwytho</p>  
<p>Dim aros ar unrhyw adeg</p> 	<p>Dim aros na pharcio mewn arhosfan bws yn ystod oriau gweithredu</p> 	<p>Dim gyrru i mewn i lôn bws nag aros yn ystod oriau gweithredu oni bai bod arwyddion yn dweud y cewch</p> 
<p>Cadwch fynedfa'r ysgol yn glir, hyd yn oed os yn llwytho a dad-llwytho</p> 	<p>Dim llwytho na dad-llwytho ar unrhyw adeg</p>  	<p>Dim llwytho na dad-llwytho ar yr amseroedd a ddangosir</p>  

Parcio ar gyfer Dalwyr Bathodynau Anabl

Lle gall Ddeiliaid Bathodynau Glas barcio

Os oes gennych Fathodyn Glas yna gallwch barcio:

- Ar linell felen sengl neu ddwbl am hyd at uchafswm o 3 awr ar yr amod bod eich bathodyn a'ch disg/cloc parcio (gosod i ddangos yr amser cyrraedd) yn cael eu harddangos yn glir a'ch bod yn nid yn achosi rhwystr. Rhaid i chi aros am o leiaf awr ar ôl un y cyfnod parcio blaenorol cyn y gallwch barcio'r un cerbyd yn yr un ffordd neu ran o ffordd ar yr un diwrnod
- Ar y stryd: Mewn baeau i'r anabl a baeau parcio i breswylwyr am ddim a heb derfyn amser oni bai bod arwydd yn dweud fel arall.
- Oddi ar y stryd: Gall deiliaid bathodynau glas barcio am un awr yn ychwanegol ar ôl i'r amser a ddangosir ar y tocyn ddod i ben.

Nodwch:

Dylech arddangos eich Bathodyn Glas yn glir ar eich panel dangosfwrdd neu ffsgia. Dylai blaen y bathodyn sy'n dangos y symbol cadair olwyn a'r dyddiad dod i ben fod yn weladwy.

Lle na all Ddeiliaid Bathodynau Glas barcio

- Ar arosfannau bysiau.
- Safleoedd tacsi.
- Ar glirffyrdd (dim stopio).
- Mewn baeau arbennig, fel meddyg neu faeau'r heddlu.
- Lle mae gwaharddiad llwytho mewn grym.
- Ar balmentydd oni bai bod arwydd o linellau gwyn yn eich galluogi i wneud hynny.
- Ar groesfan i gerddwyr neu ei farciau igam-ogam.
- Ar farciau igam-ogam yr ysgol yn ystod y cyfnod gweithredu.
- Unrhyw leoliad lle byddai'n achosi perygl neu rwystr i eraill.

